

षष्ठोऽनुवाकः ।

यच्चा॒मृतं॑ यच्च॒ मर्त्यं॑ । यच्च॒ प्राणि॑ति॒ यच्च॒ न । स-  
 र्वा॒स्ता इष्ट॑काः कृ॒त्वा । उप॑ का॒मदु॑घा द॒धे । तेन-  
 वि॑णा तेन॒ ब्रह्म॑णा । तया॑ दे॒वत॑याङ्गि॒रस्व॑द्भुवासीद ।  
 सर्वाः॑ स्त्रियः॒ सर्वा॑न् पु॒ंसः । सर्वं॑ न स्त्री॑पुमञ्च॒ यत् ।  
 सर्वा॑स्ताः । याव॑न्तः पा॒ंसवो॑ भूमेः ॥ १ ॥

सह्या॑ता दे॒वमा॑यया । सर्वा॑स्ताः । याव॑न्त॒ ऊषाः॑  
 पशू॑नाम् । पृथि॒व्यां पुष्टि॑र्हिताः । सर्वा॑स्ताः । याव॑तीः  
 सिक॑ताः सर्वाः । अ॒स्वन्तश्च॒ या श्रि॑ताः । सर्वा॑स्ताः ।  
 याव॑तीः शर्का॑रा धृत्यै । अ॒स्यां पृथि॒व्यामधि॑ ॥ २ ॥

सर्वा॑स्ताः । याव॑न्तोऽश्मा॑नोऽस्यां पृथि॒व्याम् । पृ॒ति-  
 ष्ठासु॑ प्र॒तिष्ठि॑ताः । सर्वा॑स्ताः । याव॑तीर्वी॒रुधः॑ सर्वाः ।  
 वि॒ष्ठिताः॑ पृथि॒वीमनु॑ । सर्वा॑स्ताः । याव॑तीरोष॑धीः  
 सर्वाः । वि॒ष्ठिताः॑ पृथि॒वीमनु॑ । सर्वा॑स्ताः ॥ ३ ॥

याव॑न्तो वन॒स्पत॑यः । अ॒स्यां पृथि॒व्यामधि॑ । सर्वा॑-  
 स्ताः । याव॑न्तो ग्रा॒म्याः प॒शवः॑ सर्वे । आ॒र॒ण्याश्च॒ ये ।  
 सर्वा॑स्ताः । ये द्वि॒पादश्च॑तु॒ष्पादः॑ । अ॒पाद॑ उ॒दर॑सर्पि-  
 णः । सर्वा॑स्ताः । याव॑दाञ्जनमु॒च्यते॑ ॥ ४ ॥

दे॒व॒चा यच्च॒ मानु॑षम् । सर्वा॑स्ताः । याव॑त् कृ॒ष्णाय॑